

水道提綱

卷廿二至廿八



水道通綱

卷之三



水道提綱卷二十二

原任禮部侍郎臣齊召南編錄

西藏諸水

雅魯藏布江卽大金沙江疑卽古之跋布川或指爲禹貢

黑水則太遠矣源出藏之西界卓書特部落西北三百

四十餘里之達木楚克哈巴布山山西北與郎干喀普巴山馬品木達拉池

源相近卽岡底斯山之東南三百里也山甚高大形三
似馬故名雅魯藏布江源西三十五度極二十九度三

源俱東北流而合折東流而東南二百餘里有枯本岡

前山水自西南來會又東北百餘里有江加蘇木拉河

自西北沙苦牙拉麻拉山東南流來會。江加蘇木拉河在卓書特西源

出西北沙苦牙拉麻拉山及查克佳拉山涅立嶺四水東流合爲一。又南流合西來之查爾河又東流入雅魯

藏布。又東數十里有阿拉楚河北自沙拉木岡前山來

會折南流五十里。又東稍北百餘里有那烏克藏布必

拉。自東北桑里池西南流合數水來會。河在卓書特西南三十里源出

東北桑里池西流二百五十餘里受北來尙里噶巴嶺及木克龍山流出之二水南來拉主客山祖倫山羊巴

木山流出之三水由羊巴木嶺西轉南流入十里又受西北來牙拉嶺達克龍山流出之二水又南流六十餘

里入雅魯。又東南二百餘里有郭永河自東南昂則嶺

東北流合數水來會。河在卓書特東南有四源一出昂則嶺名龍列河一出蓋楚岡前山

名蓋楚河。一出塞丹山。名朱克河。一出拉魯岡前山。名拉出河。俱東北流三百餘里。合爲一水。又東北流入雅魯藏布江。此水源流五百里。又東南五十里。受西南來一水。又東南

折東北流二百餘里。稍東南有一水。西南自你牙隆岡

前山來會。又東有薩楚藏布河。自東北合諸水來會。

在河

薩噶部落西南二百餘里。源出岳洛岡干諸山。有六水俱南流百餘里。會爲加巴蘭河。又流五十餘里。西北有拉主克祖楞羊巴木山之三水。西南有昂色昂勒宗山之三水。俱會爲一水。又東南折而西南。與東北查薩公噶爾他拉山之三水。西南捏木山及六色立羊古山之三水。會爲薩楚藏布河。又西南流百餘里。入雅魯藏布江。又東南七十里。受北來一小水。又東三十里。有甕出河。

自南來會。

河在薩噶部西南二百里。有四源。一出西南查木東他拉泉。如星宿然。東北流二百餘里。

一出南稍西之圖克馬爾他拉泉東北流五十里一源
出正南那木噶山之北北流七十里來會又東北流四
十里一源出東南達克拉他泉泉眼尤多滙西流六十
里來會三水既合北流曲曲七十里與西南源合又北
四十里入雅魯藏布江又東九十里。有式爾的河自南合三水來

會

河在薩噶部西南百數十里有三源一出西南沙盤
嶺東北流二百餘里一源南出舒拉嶺者東北流折

而北百餘里來會北流五十里一源出東南出岡里窪
干山者北流二百里折西北而西流百餘里來會又北
流曲曲百餘里又東三十里有滿楚藏布河自北來會
入雅魯藏布江

亦曰馬楚藏布必拉在薩噶部西南北有斜爾克山撇
龍山二水南流二百餘里合東來岡充查達克山之三
水又合西來拉克藏卓立山之一水合又東六十里受
爲河又東南流五十里入雅魯藏布江

南來一小水又東七十里。有河南自阿里宗城來會

二河

源一出西南岡里窪干山之東北麓東北流一出南牛
拉嶺北流合而北經阿里宗城西又北而東北流二百里
有一水自東南來會又北又東八十里折東北流有薩
九十里入雅魯藏布江

噶藏布河自東北拉布池西南合諸水折東南流來會

亦曰薩爾格必拉在薩噶部東南源自東北拉布池伏
地復出西南流曲曲四百餘里有一水北自必普塔克
拉克山東南流合東北拉隆阿爾山水而南來會又西
南百數十里合西北來一水又西南百七十里有拉普
岡沖山水自東北來會又西南百里有隆干山水自西
來會正南流六十里又西南流合北來一小水又西南
合西來一水又南有東北岡隆山流出之二水交烏拉
沖山流出之二水合而西南流合東南凡布隆山一水
又合東一水而西來會又西南數十里折而東南流曰
薩噶藏布河又百數十里入雅魯藏布江○此河源流
長千又北流四十里折西北三十里又東北而東南曲
里

曲三百餘里。受南來小水二。又折東北百餘里。又東南

流百里。有加木祖池水。北自章阿布林城合東一水。南

流來注之。章阿布林城藏地日喀則之西北九百里地也。又東南而東六十里。

受西南來一水。二源西南者出牙噶隆山北流而合。曲曲東北流入雅

魯藏布江。二山南麓水。俱南流爲朋楚藏布江。又正北流百五十里。折向西

北。受西北隆左池水。又東北流四十里。有莽噶拉河南

自那拉古董察山來注之。又東北有鐘里山水。自東南

來注之。又東北經章拉則城北。城在目喀則之西北八百餘里。又東北

百餘里。有鄂宜楚藏布河。自西北札木楚克池合諸水。

東南流來會。

亦曰敖褚必拉源出章阿布林城西北四

東來一水。又西南數十里。滙爲那木楚克鄂模。其北有

多存岡山一水。南流亦滙焉。池周百里。從西南流出。二

百里。折而東南。又爲龍岡。普池數十里。又東流出。有三

水。自西合而來。會曰達克楚河。又東有江楚河。自西南

來會。又東經邦拉嶺。章阿布林城加木祖池岸之北。曲

曲三百里。有拉山水。自西北來會。折東北流六十里。至

穆克布查克薩木馬鐵索橋北。有北來之鄂宜楚河。自

江林普拉山南流。四百里來會。折東流而東南六十餘

里。入雅魯藏布江。此水源流七百里。又東稍北。經盆

有兩鐵索橋。一曰桑噶爾札克薩穆橋。又東稍北。經盆

蘇克靈城北。又東北受北一小水。又東北有一河南。自

婆色納木山北流。合西南一水來注之。又北流有戒忒

楚河。自北來注之。

水長四百里。又北數十里。折而東流。曲曲

百數十里有打克北朋楚河自北來注之。水長四百餘里。又東

南流有薩普楚河自南來會。卽薩布河也。源出楚拉米洪羅綽爾莫三山。流出三

泉北流百餘里合爲噶楚河。又北百餘里旁有二水。一自西南來名桀河。一自東南來名當出河。俱會。又北合

西南來一水。東北流百九十里經藏地日喀則西境入雅魯藏布江。又東百餘里經日喀

則城北藏地之首城也。城在衛地喇薩西南五百三十里。先藏汗居此。今爲班禪所居。

稍東有年楚河南自章魯河合諸水來會。年楚河源有

拉母山東北曲曲流四百餘里。一出其東順拉嶺下。泉

池十數。滙爲一水。北流曲曲二百餘里而會。曰章魯河。

又東北九十里至孃孃廟東有八水。從東北喀魯嶺諸

山。又南札木長山社山來合而西南流。來會轉西北流。過將則城西。又西北八十里過白滿城西。又西北受西南來一水。又北數十里有一河自西合。二水來注之。又

北始名年楚河。經日喀則城東南四里。過蘇木佳石橋。長七十丈。有十九洞。爲藏地橋梁之冠。又北流四十里。入雅魯藏布江。此又東北百里有尙河北自尙那木水源流長八百餘里。

林城來會。

尙河亦曰商河。源出西北絳查拉山東南曲曲流四百餘里。有造索克布山水。自西來會。

又東南百里。經尙那木林城南。有佐山水。自北來會。又東南流。入雅魯藏布江。此水源流七百里。又東

七十里。經普冬廟前。又東受南一小水。又東北有烏雨

克河北自拉公山來注之。又東過薩喇朱噶鐵索橋。

林奔

城西北二十里。經林奔城北。稍東有龍前河。自南合二水來注

之。龍前河源出東朱木哈拉山。西南流百餘里。與西南來努金剛藏山所出之水會。西北流。經林奔城東。又

北入雅魯藏布江。

又東北曲曲百餘里有捏木河。自西北來注

之。即拖巴山水也。折東南流六十里。經拜的城北岸山北。又數

十里。拜的城之東南。即牙母魯克于木卒池。廣四百六十餘里。中有三山。一名米納巴。一名鴉博士。一名

桑里。山下溪流甚多。時白時黑。或成五采。湖水環之。在烏雨克靈喀城之東北。納噶拉則城之正東。其水不流

亦不涸。受西北來一小水。又東北過鐵索橋而東南。經楚

舒爾城南。又東南至日喀爾公喀爾城北。有噶爾招木

倫江。自東北合諸水。西南流。經衛地喇薩來會。疑即古

吐蕃之臧河也。噶爾招木倫江源有二。一曰米的克藏布河。出墨魯公喀城之東北三百里。米

的克池廣數十里。西南流出數十里。合東南來一水。西

流。又折西南百餘里。又合東南一水。又曲曲西南二百餘里。受東來一水。又西折而西北六十里。與西北來之

盜吞西里克塔拉東南流。合五小水。而南者會。又西流

百八十里。受北一水。又西南。經蓬多城東北。而西南一源來會。西南源曰達穆河。出蓬多城東北二百里之查里克圖嶺。西南流百餘里。有拔布隆河。東自央噶拉嶺西北流。折而西南。二百里合東南一水。來會。又南。合西北來一水。又南。合西來一水。折向東流。又東北。受北一水。又東南。過鐵索橋。經蓬多城北。又東。會米的克河。二源既合。乃名噶爾。招木倫江。又東南流。受西來二水之合。東注者。又東南。折而東流。受北一小水。又東。折而南。而西南。百里。又折而東。百數十里。經傲那廟北。又東。乃折而東南。受東來岡噶拉嶺水。乃西南流。過鄂納鐵索橋。又南。經墨爾公噶城西。又南。折而西。曲曲百餘里。經噶爾。鞞廟北。又西。經第巴達克城南。又南。稍西。有一河。西北自溫主普宗城。合三水。東南流來會。又南。數十里。經得秦城北。又折西流。曲曲。經喇薩之南。卽唐時吐蕃國都。今爲達賴所居也。伊克詔廟有唐長慶碑。其西北有庫庫石橋。噶爾招木倫江。又西北流。十餘里。至董郭爾城東南。受東北來一小水。又西南流。數十里。經日噶牛城北。有羊巴尖河。合楚普河。自西北。合四大水。東

南流三百餘里來會。又南流八十里折西南流。受西北來二小水。又西南經楚蘇拉城東南。又西南至日喀爾公噶爾城之北。而雅魯藏布江自西來會。此水源流千三百里。米的克池北隔山。卽潞江也。雅魯藏布江既會噶爾招木倫江。東南流百里。受南來一小水。又東曲曲受南北各一水。經薩木他廟前。又東受北一小水。又東受南北小水各一。又東經乃布冬城北。受南來一水。又東有巴楚河自北來注之。又東南經桑里城南。也勒庫城北。受北來一小水。南來一大水。又東至敖噶打克匝城西南。受東北來一河。曰聽里馬初河。東南流百餘里。其東北有泉池水。西南流二百里。其南有隆拉嶺水。始折東南流。西北經城之北而西。並會。又南入雅魯江。

自日噶爾公噶爾城東流至此四百餘里。曲曲經衛地東南也。勒庫城打克

布拉碎城之東北。當波衣孤魯那木加城。打格布同春

城。打格布衣那城之北。共八百里。有年渚河。自北合諸

水來會。

年渚河亦曰年楚。必拉源出沙羽克岡拉山。卽噶爾勒廟東南山也。有水東流三百里。曰馬母

楚河與南來巴拉嶺之巴龍楚河會。又東北百里與北來烏山之烏楚河會。又東八十里折東南流百餘里。經

公布札木達城東南有水曰佳曩河。自北來合東二水。南流繞城東而南來會。又東南曲曲流三百數十里。至

公布碩格城南有水東北自巴宗祖池南流合東一水。而西南來會。卽蘇馬錯湖之巴楚河也。又東南折而西

南有西來查布山之牛楚河。合而南流。經公布竹母城東。地母城西。又東南經則布拉岡城東。又二百餘里入

雅魯藏布江。此水源流千二百里。又東經父母哈廟北。受東北薩母龍

拉嶺水。又東南經森打馬廟西。禿哥里山之西南南流。

入羅喀布占國界。

西二十度九分。極二十七度。

自源至此共數千數

百里。

○此水於羅喀布占國。又會岡布藏布河。

見後。朋出

藏布河。

見後。

二大水。轉西南流。入厄訥特克國。會諸水。入

南海。

里數無可考。

岡布藏布河。自衛地東與喀木接界之拉里廟。會東北察
拉嶺水。東偶公拉嶺下湖水。及西北山一水。東南流百
餘里。合北來一水。又東南有一河。西北自章阿爾松山。
東南流二百數十里來會。又東南曲曲百八十里。有厄

楚河自東北來會厄楚河出喀布地之努布公拉沙爾山四水合而西南流二百餘里入岡

布河又東南有牛楚河自西北來會東流過打克拉崩橋

又東受東北一水又東南曲曲百餘里受東北一大水

又南經的牙爾山西入岡布部落至撇皮唐他拉東喀

木境內有薄藏布河自東北來會薄藏布河出喀木打里土宗城之東南舒

板都城之南有春多達嶺二水南流合數小水西南流來會土人曰喀克布必拉經

噶克布衣書里東城西又南經塞母龍嶺東朶格拉岡

里山西出岡布境經公拉岡里山西又南入羅喀布占

國界源流已千下流入雅魯藏布江四百里